

Բերդիս արտաքին դուռն յարեկէս կը բացուի բայց այս կողմից բարձրանայն դժուարին է. միայն մի ճանապարհ կայ հետեւակներու համար. իսկ երկրորդ ճանապարհ մի կայ որ բերդիս արեւմտեան կողմն ի վեր կը բարձրանայ, տակաւ առ տակաւ բլուրի կողի հետ արեւմտեան հիւսիս, հիւսիս, արեւելեան հիւսիս և յարեկէս կը բարձրանայ մինչև այն տեղ, ուր կայ արտաքին դուռն:

Այս ճանապարհը սայլի ճանապարհ է:

Պարսպի ներսն ձուռնէ տափարակ մէ. որոյ մեծ մասը սալայատակուած է. աջ ու ձախ պարսպի և հին շինութեանց քայքայուած որմերն կան, պարսպի հիւսիսային կողն աւելի սեւ է. արեւմտեան հիւսիս աւելի մատչելի է, այս կողմի պարսպի տակն զրսից կերելի մի կամար քարուկրով շինած, որ ներքնուղի մի լինելու է, բերդիս յատակն տանող և կամ այդ տեղ եղած է զարան մտնելու վայր:

Բերդի պարսպի մէջ գտնուած ներքնուղին 1860—70 թուականներուն բաց էր, ճրագ վառելով մինչև կէս ճանապարհ կիջնային, մէջը կարծր ժայռի վերայ սանդուխներ կոփուած էր, սակայն այժմ բերդիս քանդուած բեկորներն տակաւ առ տակաւ լեցուցած են և գոցած այս ծակը:

1820—25 թուականներուն բերդս շէն էր և ճանապարհներն ևս զործածութեան մէջ էին, այժմեան բէկերու ծնողք¹ և Բասշուլ վաշայի նախնիք ունէին այս տեղ պալատ, բանտ, դատաստանատուն, կախաղան,

1. Այժմեան բէկերու ծնողք Եղար եղած են և մահմետական կրօնը ընդունած 1750 թուականներուն, իշխանութեան բարձրացած են Բագրեանդայ և Բայազիտի վիճակներն.